



REPUBLIKA E SHQIPËRISË
UNIVERSITETI I TIRANËS
SENATI AKADEMIK

Nr. 1756/Prot.
5

Tiranë më 23.11.2022

VENDIM

Nr. 201, datë 23.11 2022

“Për miratimin e Strategjisë së Universitetit të Tiranës për një Universitet

Miqësor ndaj Mjedisit 2022-2027”

Bazuar në ligjin nr. 80/2015 “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, neni 38, pika 1, gërma “d” dhe në Statutin e Universitetit të Tiranës, neni 31, gërmat “c”, Senati Akademik i Universitetit të Tiranës,

VENDOSI:

1. Të miratojë Strategjinë e Universitetit të Tiranës për një Universitet Miqësor ndaj Mjedisit 2022-2027”.
2. Vendimi i përcillet të gjitha njësive përbërëse të UT-së.
3. Ky vendim hyn në fuqi menjëherë.

KRYETARI

Prof. Dr. Artan Hoxha





REPUBLIKA E SHQIPËRISË
UNIVERSITETI I TIRANËS
SENATI AKADEMIK

STRATEGJIA E UNIVERSITETIT TË TIRANËS
PËR NJË UNIVERSITET MIQËSOR NDAJ
MJEDISIT
2022-2027



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

Grupi i punës:

Prof. Dr. Anila PAPARISTO

Dr. Iris BAKIRI

Dr. Sonila VITO

Dr. Dorina KOÇI

Prof. Asoc. Dr. Enis SULSTAROVA

Msc. Monika CANCO

Dr. Arben BELBA

Dr. Renata KRISTO

Dr. Ermir GJINISHI

Prof. Asoc. Dr. Mihallaq QIRJO

Znj. Vilma KAPXHIU

Znj. Uendi BELBA (student)

Z. Franci SINANI (student)



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

**STRATEGJIA E UNIVERSITETIT TË TIRANËS PËR NJË UNIVERSITET MIQËSOR
NDAJ MJEDISIT**

PËRMBAJTJA

HYRJE

1. SISTEMET E MENAXHIMIT MJEDISOR

- 1.1. OBJEKTIVAT
- 1.2. VEPRIMTARITË
- 1.3. TREGUESIT E REZULTATEVE

2. MENAXHIMI I ENERGJISË DHE CO₂

- 2.1. OBJEKTIVAT
- 2.2. VEPRIMTARITË
- 2.3. TREGUESIT E REZULTATEVE

3. NDËRTESA TË QËNDRUESHME

- 3.1. OBJEKTIVAT
- 3.2. VEPRIMTARITË
- 3.3. TREGUESIT E REZULTATEVE



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

4. BIODIVERSITETI DHE EKOSISTEMET

4.1. OBJEKTIVAT

4.2. VEPRIMTARITË

4.3. TREGUESIT E REZULTATEVE

5. MENAXHIMI I MBETJEVE

5.1. OBJEKTIVAT

5.2. VEPRIMTARITË

5.3. TREGUESIT E REZULTATEVE

6 MENAXHIMI I UJIT

6.1 OBJEKTIVAT

6.2 VEPRIMTARITË

6.3 TREGUESIT E REZULTATEVE

7 MENAXHIMI I TRANSPORTIT

7.1 OBJEKTIVAT

7.2 VEPRIMTARITË

7.3 TREGUESIT E REZULTATEVE

8 SHËNDETI DHE MIRËQËNIA



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

8.1 OBJEKTIVAT

8.2 VEPRIMTARITË

8.3 TREGUESIT E REZULTATEVE

**9 QËNDRUESHMËRIA MJEDISORE NË MËSIMDHËNIE DHE KËRKIM
SHKENCOR**

9.1 OBJEKTIVAT

9.2 VEPRIMTARITË

9.3 TREGUESIT E REZULTATEVE

10 PROKURIMI I QËNDRUESHËM

10.1OBJEKTIVAT

10.2 VEPRIMTARITË

10.3 TREGUESIT E REZULTATEVE

11 PLANI I VEPRIMIT



REPUBLIKA E SHQIPËRISË
UNIVERSITETI I TIRANËS
SENATI AKADEMIK

Strategjia e Universitetit të Tiranës për një universitet miqësor ndaj mjedisit

Në Shtator 2015, Samiti i OKB-së, me pjesëmarrje të 193 vendeve të Kombeve të Bashkuara, ndër to edhe Shqipëria, lançoi Axhendën 2030 për Zhvillim të Qëndrueshëm e cila synon që brenda 15 viteve të merren masat e duhura për t'i dhënë fund varfërisë në të gjitha format e saj¹. Në këtë kuadër ajo vendosi 17 objektiva kryesore që do të ndihmojnë vendet pjesëmarrëse në rrugën e tyre drejt zhvillimit të qëndrueshëm, gjithëpërfshirës dhe miqësor ndaj mjedisit. Përbushja e këtyre qëllimeve ambicioze kërkon një kontribut të gjerë nga çdo partner, përfshirë sektorin e Edukimit të Lartë.

Si Universiteti më i madh në vend, Universiteti i Tiranës është në një pozicion unik për të mbështetur dhe ndihmuar në përbushjen e angazhimeve të shtetit Shqiptar në drejtim të Zhvillimit të Qëndrueshëm. Me një kulturë dhe histori të gjerë kërkimi shkencor ndërdisiplinor, ai mund të ndikojë ndryshimet shoqërore përmes edukimit dhe trajnimit të gjithë komunitetit për të njohur dhe vepruar në përputhje me 17 Objektivat e Zhvillimit të Qëndrueshëm.

Në këtë kontekst, Universiteti i Tiranës ka vendosur si synim strategjik të jetë lider në vend për edukimin dhe zbatimin e parimeve të Zhvillimit të Qëndrueshëm. UT synon të japë shembullin institucional duke u shndërruar në Universitetin e parë në Shqipëri të cilësuar si “Universitet i gjelbër”. Në përbushje të këtyre synimeve është hartuar “Strategjia për një Universitet miqësor ndaj mjedisit”, e cila përcakton objektivat dhe masat kryesore që duhen ndërmarrë.

¹ <https://www.coe.int/en/web/programmes/un-2030-agenda>



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

Strategjia e Universitetit të Tiranës (UT) për një universitet miqësor ndaj mjedisit bazohet në standardet e përcaktuara nga:

1. Kushtetuta e Republikës së Shqipërisë²
2. Ligji Nr. 10 431, datë 9.6.2011 'Për mbrojtjen e mjedisit'³
3. Ligji Nr.9587, datë 20.7.2006 'Për mbrojtjen e biodiversitetit'⁴
4. Ligji Nr. 10 463, date 29.09.2011 "Për menaxhimin e integruar të mbetjeve" (i ndryshuar)⁵
5. Ligji Nr. 162/2014 'Për mbrojtjen e cilësisë së ajrit në mjedis'⁶
6. Ligji Nr. 124/2015 'Për efikasitetin e energjisë'⁷
7. Ligji Nr. 155/2020 'Për ndryshimet klimatike'⁸

² Neni 59(1)(d) i Ligjit Nr. 8417, datë 21.10.1998 'Kushtetuta e Republikës së Shqipërisë' (i ndryshuar)
<https://qbz.gov.al/preview/635d44bd-96ee-4bc5-8d93-d928cf6f2abd>

³<https://shukalb.al/wp-content/uploads/2019/07/Ligji-nr.-10431-dat%C3%AB-9.6.2011-P%C3%ABr-mbrojtjen-e-mjedisit.pdf>

⁴<https://planifikimi.gov.al/index.php?eID=dumpFile&t=f&f=5164&token=65229812e2b53448c10aa790727d8a7006b500b9>

⁵ <https://qbz.gov.al/eli/ligj/2011/09/22/10463>

⁶ https://www.parlament.al/Files/Integrimi/ligj_nr_162_dt_4_12_2014_20658_11.pdf

⁷ https://www.parlament.al/Files/Integrimi/ligj_nr_124_dt_12_11_2015_24797_1-1.pdf

⁸https://www.parlament.al/Files/ProjektLigje/2021010413081820201227203009ligj%20nr.%20155,%20dt.%2017.12.2020_compressed.pdf



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

Disa nga parimet tek të cilat ajo mbështetet janë: mirëmenaxhimi i energjisë dhe vëmendja ndaj ndryshimeve klimatike, trajtimi dhe grumbullimi i diferencuar i mbetjeve, mirëmenaxhimi i ujit dhe materialeve si letra, plastika etj., përmirësimi i cilësisë së ajrit, informimi dhe ndërgjegjësimi lidhur me çështjet mjedisore, nxitja e kërkimit shkencor për çështje që lidhen me mjedisin dhe klimën, etj.

Kjo strategji përmban një sërë drejtimesh specifike dhe plane respektive, si: menaxhimi i energjisë dhe CO₂; ndërtimi dhe restaurimi i qëndrueshëm i hapësirave dhe objekteve miqësore me mjedisin; ruajtja e biodiversitetit dhe ekosistemeve, menaxhimi mjedisor, menaxhimi i mbetjeve; menaxhimi i ujit; lëvizshmëria dhe transporti i qëndrueshëm; sigurimi i shëndetit dhe mirëqënies së personelit, studentëve dhe bashkëpunëtorëve, qëndrueshmëria mjedisore në mësimdhënie dhe kërkim shkencor; si dhe rregullat e prokurimit të gjelbërt. Për secilën nga fushat e mësipërme, ky dokument detajon qëllimin e përfshirjes së fushës përkatëse në këtë strategji, veprimtaritë e sugjeruara për t'u ndërmarrë, si dhe treguesit e rezultateve të synuara.

Kohëzgjatja e strategjisë është 5 vjeçare.

1. SISTEMET E MENAXHIMIT MJEDISOR

Sistemet e menaxhimit mjedisor ndihmojnë Universitetin që të zvogëlojë ndikimin mjedisor, të rrisë efektshmërinë dhe të mbështesë zhvillimin e vazhdueshëm në lidhje me performancën mjedisore. Ato gjithashtu do të ndihmojë në arritjen e qëllimit për një zhvillim të qëndrueshëm dhe përputhjes së veprimtarisë së Universitetit me legjislacionin mjedisor në fuqi.

Universiteti i Tiranës do të ketë në funksionin sistemet e menaxhimit mjedisor në të gjithë aspektet e funksionimit të tij, si në aspektin akademik dhe atë shkencor. Ai do të synojë drejt përmbushjes së parimeve të menaxhimit të gjelbërt në të gjithë sektorët dhe njësitë e tij.



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

Si një institucion arsimor multidisiplinor, që ka në thelb të zhvillimit të vet kërkimin shkencor, një ndër praktikat me ndikim më të madh mjedisor është puna në laborator. Aspiratorët, sistemet e ventilimit, përdorimi i ujit, mbetjet kimike dhe rryma të ndryshme të mbetjeve si ato të rrezikshme, elektronike, etj, dhe mirëmbajtja e pajisjeve, i bëjnë laboratorët një nga sfidat më të mëdha për universitetet në përpjekjen e tyre për të qenë miqësorë me mjedisin. Sfida qëndron në balancimin e nevojës për zhvillimin e kërkimit shkencor dhe sigurinë mjedisore e të shëndetit në menaxhimin teknik të laboratorëve.

Për shkak të natyrës specifike të punës në laboratorë të ndryshëm (biologjik, kimik ose fizik), edhe sfidat dhe mundësitë për zbatimin e një qasjeje të gjelbër në drejtim të reduktimit të kostove, përmirësimit të shëndetit dhe sigurinë, dhe optimizimin e rrjedhave të punës duhet të jenë specifike. Megjithatë, aspektet më të rëndësishme ku ato duhet të bazohen janë rritja e efektshmërisë në përdorimin e energjisë, menaxhimi i kimikateve, menaxhimin e mjeteve dhe pajisjeve dhe ndërgjegjësimi i përdoruesve se qëndrueshmëria dhe kërkimi me cilësi të lartë nuk përjashtojnë njëra-tjetrën. Ekzistojnë mundësi që ato të bashkërendojnë dhe të jenë në funksion të tjera-tjetrës.

1.1 OBJEKTIVAT

Krijimi i një kuadri të auditueshëm masash dhe veprimesh për të siguruar përputhjen e veprimtarisë së Universitetit me legjislacionin, duke përfshirë kontrollet për parandalim dhe zvogëlim të shkarkimeve ndotëse në ajër, tokë dhe ujë. Kjo do të lejojë gjithashtu Universitetin të balancojë nevojat socio-ekonomike me ndikimet mjedisore.

Ngritja e sistemit të menaxhimit mjedisor në institucion përmes zbatimit të masave specifike dhe monitorimit të rezultateve në vijimësi.



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

1.2 VEPRIMTARITË

- Ngritja e një grupi ekspertësh të aftë të sigurojë cilësinë e përdorimit të ISO 14001:2015 (Standardi i Menaxhimit Mjedisor i zhvilluar nga Komiteti i Zhvillimit të Standardeve ISO TC207. Certifikata ISO 14001 është një certifikatë ISO që ndihmon organizatat të përmbushin më mirë përgjegjësitë e tyre mjedisore dhe të kursejnë kostot që lidhen me mjedisin).
- Përdorimi i ISO 14001:2015 për të menaxhuar ndikimet mjedisore dhe sociale, me qëllim zvogëlimin e burimeve natyrore dhe minimizimin e dëmtimit të tokës, ujit, dhe ajrit; në mënyrë të tillë që të identifikohen rreziqet dhe mundësitë për një pajtueshmëri mjedisore.
- Identifikimi i aktiviteteve të Universitetit që mund të kenë një ndikim pozitiv ose negativ në mjedis, duke u dhënë përparësi atyre që konsiderohen të rëndësishëm dhe duke zhvilluar kontrolle dhe veprime specifike.
- Zbatimi dhe administrimi i proceseve për menaxhimin e qëndrueshëm të burimeve dhe parandalimin e ndotjes për të gjitha fushat e identifikuara me ndikim në mjedis.
- Vlerësimi i performancës mjedisore për të ndihmuar në vendosjen e mënyrave të kontrollit që çojnë në përmirësim të vazhdueshëm të performancës mjedisore.
- Kryerja e auditeve të vazhdueshme për çështje specifike të menaxhimit mjedisor për të siguruar vazhdimin e zbatimit të praktikave më të mira mjedisore.

1.3 TREGUESIT E REZULTATEVE

- ✓ Rritja e efektshmërisë financiare ose operacionale nëpërmjet zbatimit të nismave miqësore me mjedisin, të tilla si: rritja e efektshmërisë së përdorimit të energjisë, ujit, dhe burimeve të tjera në përdorim në njësitë e ndryshme të universitetit të Tiranës.



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

✓ Ngritja e sistemit të menaxhimit mjedisor i cili monitoron në mënyrë të vazhdueshme performancën mjedisore të institucionit deri në nivelin e njësive bazë duke i lejuar Universitetit t'i përgjigjet kushteve dinamike mjedisore, të menaxhojë rrezikun që lidhet me to dhe rritja e mundësive për përmirësim.

✓ Certifikimi mjedisor i institucionit prej agjencive të akredituara promovon përpjekjet institucionale të Universitetit të Tiranës brenda punonjësve dhe studentëve të tij, në komunitet dhe më gjerë duke krijuar modele për zhvillimin e qëndrueshëm të shoqërisë në tërësi.

2. MENAXHIMI I ENERGJISË DHE CO₂

Menaxhimi i energjisë dhe gazeve serë është tashmë një detyrim për çdo institucion shtetëror apo privat në territorin e Shqipërisë, në mënyrë të tillë që të kontribuojnë në planet kombëtare për ndryshimet klimaterike. Universiteti i Tiranës synon ta përmbushë këtë detyrim përmes marrjes së masave në dy drejtime kryesore:

❖ Zvogëlimi i shkarkimeve të gazeve serë përmes rritjes së efikasitetit në përdorimin e energjisë, kalimin drejt energjive të rinovueshme dhe uljes së konsumit të materialeve dhe sasisë së mbetjeve.

❖ Rritja e kërkimit shkencor, edukimi, trajnimi, dhe ndërgjegjësimi i komunitetit universitar dhe publikut në fushën e ndryshimeve klimatike dhe zgjidhjeve që mbrojnë klimën

2.1 OBJEKTIVAT

- Njohja e shkallës së ndikimit dhe mundësive për zgjidhje alternative përmes vlerësimit të gjendjes aktuale të shpenzimeve energjetike dhe çlirimit të gazeve serë.



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

- Zvogëlimi i niveleve të konsumit të energjisë përmes rritjes së efikasitetit të energjisë dhe përdorimit të energjive të rinovueshme.
- Ulja e shkarkimeve në atmosferë nga djegia e lëndëve fosile dhe mirëmenaxhimit të burimeve natyrore dhe mbetjeve.

2.2 VEPRIMTARIA

- Monitorimi dhe publikimi i raporteve të intensitetit të përdorimit të energjisë dhe shkarkimeve të karbonit nga institucioni.
- Studimi i mundësive për prodhim energjie nga burime alternative të energjisë.
- Mbështetja e projekteve kërkimore shkencore që synojnë zvogëlimin e karbonit dhe rritjen e efektshmërisë energjetike.
- Mbështetja e projekteve dhe aktiviteteve që synojnë ndërgjegjësimin e komunitetit në lidhje me problemin e ngrohjes globale dhe kontributin që duhet të japë gjithësecili në zgjidhjen e tij.

2.3 TREGUESIT E REZULTATEVE

- ✓ Raportet vjetore të energjisë dhe karbonit që tregojnë në mënyrë sasiore dhe cilësore burimet dhe shpenzimet energjetike nga Universiteti.
- ✓ Hartimi i një plani menaxhimi të karbonit në nivel Universiteti.
- ✓ Hartimi i skemave financiare që synojnë rritjen e efikasitetit në përdorimin e energjisë nga institucioni, i cili do të jetë rrjedhojë e realizimit të veprimtarive të shprehura në pikën 1.2.



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

✓ Rritja e numrit të doktoraturave, konferencave dhe publikimeve shkencore në fushën e mjedisit dhe ngrohjes globale.

3. NDËRTESA TË QËNDRUESHME

Në zbatim të ligjit Nr. 124/2015, Për efikasitetin e energjisë, Neni 5, pika 3 c), UT synon të jetë aktor aktiv në zbatimin e politikave kombëtare të efikasitetit të energjisë transformimin e sektorit publik në një shembull model në menaxhimin efikas të energjisë, nëpërmjet investimeve, mirëmbajtjes, përdorimit të pajisjeve efikase që konsumojnë energji, shërbimeve energjetike dhe masave të tjera të përmirësimit të efikasitetit të energjisë, në çdo aspekt të aktivitetit të vet.

Si një konsumator i madh i energjisë UT synon të ndërmarë një seri masash të përcaktuara nga Plani Kombëtar i Veprimit për Efikasitetin e Energjisë.

3.1 OBJEKTIVAT

Zvogëlimi i ndikimit negativ të praktikave të ndërtimit, restaurimit dhe shfrytëzimit të ndërtesave të Universitetit në “Zhvillimin e Qëndrueshëm”.

Funksionimin e ndërtesave dhe mjediseve të tjera në miqësore me mjedisin për të siguruar jo vetëm mbrojtjen mjedisore, por edhe mirëqenien e përdoruesve si komuniteti studentor, personeli administrativ dhe ai akademik.

3.2 VEPRIMTARITË

Përputhja e ndërtesave me konceptin e zhvillimit të qëndrueshëm synohet të realizohet përmes:



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

- Rishikimit të qasjes së Universitetit kundrejt ndërtimit dhe restaurimit të qëndrueshëm.
- Hartimit të një projekti strategjik për shfrytëzimin e pronës ekzistuese të Universitetit në mënyrë më të efektshme dhe rritjes së përdorimit të mjediseve dhe pajisjeve të përbashkëta.
- Kryerja e auditimit energjetik dhe vlerësimit të gjendjes aktuale të efikasitetit energjetik të ndërtesave që zotëron Universiteti
- Hartimi e zbatimi i projekteve që synojnë përmirësimin e efikasitetit energjetik të ndërtesave që zotëron Universiteti (Marja e Çertifikatës së Performancës Energjetike, klasa A ose B.)
- Përdorimit të sistemeve që prodhojnë energji të rinovueshme

3.3 TREGUESIT E REZULTATEVE

- ✓ Marja e çertifikatës së performancës energjetike për të gjitha ndërtesat e Universitetit të Tiranës.
- ✓ Arritja e klasit B të efikasitetit energjetik për të paktën një Fakultet të Universitetit të Tiranës përmes restaurimit të ndërtesës dhe pajisjen me panele fotovoltaike.

4. BIODIVERSITETI DHE EKOSISTEMET

Universiteti i Tiranës ka në zotërim një sipërfaqe të madhe toke dhe rrjedhimisht luan një rol të konsiderueshëm në ndikimin në ekosistem dhe biodiversitet përmes veprimtarive të veta.



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

Hapësira të tilla si Kopshti Botanik, mjediset e Qytetit Studenti janë të lidhur drejtperdrejt me këtë fushë. Është detyrë e tij që të hartojë politika në mbështetje të biodiversitetit, mbrojtje të habitateve dhe krijimit të hapësirave të tjera të gjelbra.

Nga ana tjetër, këto hapësira mund të vendosen në dispozicion të studentëve dhe procesit mësimor, në formën e “laboratorëve të gjallë”, duke krijuar mundësi të reja për kërkim shkencor dhe mësimdhënie.

4.1 OBJEKTIVAT

Minimizimi i ndikimit negativ në ekosistem dhe rritja e biodiversitetit në pronat e Universitetit. Promovimi i përfitimeve që ato sjellin në jetën e gjithë komunitetit.

4.2 VEPRIMTARITË

- Krijimi i një paneli ekspertësh mjedisi nga fusha të ndryshme akademike për këshillim në lidhje me praktikën më të mirë për ruajtjen dhe zhvillimin e biodiversitetit.
- Realizimi i auditit periodik të biodiversitetit në pronat e universitetit për të monitoruar habitatet dhe llojet kryesore që jetojnë aty, në mënyrë që të zhvillohet një plan strategjik për menaxhimin, mirëmbajtjen, dhe mbrojtjen e tyre.
- Hartimi dhe zbatimi i projekteve që synojnë rritjen e hapësirave të gjelbra në pronësi të Universitetit të Tiranës dhe pasurimin e tyre me lloje vendase me rëndësi për tu mbrojtur edhe në nivel kombëtar
- Vlerësimi dhe promovimi i përfitimeve multifunksionale nga infrastruktura e gjelbër e Universitetit.



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

➤ Nxitja e stafit dhe studentëve për angazhim vullnetar për njohjen dhe mirëmbajtje të tyre.

4.3 TREGUESIT E REZULTATEVE

✓ Universiteti do të zbatojë standarde të larta në menaxhimin e pasurive dhe si një kontribues afatgjatë në ruajtjen dhe mbrojtjen e mjedisit natyror.

✓ Përmirësimi i shëndetit mendor dhe fizik të komunitetit universitar përmes rritjes së sipërfaqeve të gjelbra në hapësirat e Universitetit.

✓ Përmirësimi i cilësisë së ajrit të qytetit përmes shtimit të sipërfaqeve të gjelbërta, krijimin e habitateve të veçanta, promovimin e florës vendase të universitetit. Rritja e kurorës së gjelbër (pemëve) realizon zvogëlimin e sasisë së CO₂, aerosoleve dhe bën të mundur krijimin e zonave të freskëta.

5. MENAXHIMI I MBETJEVE

Një ndër mënyrat më të efektshme për zvogëlimin e ndikimit mjedisor është parandalimi, minimizimi, ripërdorimi dhe riciklimi i mbetjeve të prodhuara. Këto praktika lejojnë institucionin t'u përgjigjet kushteve dinamike mjedisore, të menaxhojë rrezikun që lidhet me to dhe rrisin mundësinë për përmirësim. Ato gjithashtu mundësojnë rritjen e përputhshmërisë së veprimtarisë së Universitetit me legjislacionin në fuqi lidhur me minimizimin e mbetjeve.

Për shkak të natyrës së aktivitetit që zhvillohet në universitet fokusi do të jetë tek mbetjet e letrës, plastikës, qelqit dhe produkteve të higjenës. Më tej, vëmendje e veçante do ti kushtohet uljes së sasisë së rrymave specifike të mbetjeve siç janë mbetjet elektronike, kimike dhe ato të rrezikshme.



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

5.1 OBJEKTIVAT

Parandalimi i ndotjes mjedisore përmes zbatimit të parimeve të hierarkisë së menaxhimit të mbetjeve (parandalim, reduktim, ripërdorim, riciklim dhe trajtim përfundimtar të përshtatshëm).

5.2 VEPRIMTARITË

- Përdorimi i sistemit informatik në funksion të mësimdhënies, vlerësimit akademik, komunikimit të brendshëm dhe të jashtëm dhe të ruajtjes së informacionit duke zvogëluar përdorimin e letres, bojës, plastikes, etj.
- Zbatimi i mbledhjes së diferencuar të mbetjeve dhe lidhja e kontratave me operatorët e industrisë së riciklimit.
- Rritja e ndërgjegjësimit të komunitetit universitar për përdorim të materialeve të biodegradueshme.
- Hartimi i një raporti monitorues vjetor mbi sasi të përdorura të materialeve dhe menaxhimin e rrymave të mbetjeve, dhe vlerësimi i mundësive për alternativa të tjera përmirësuese në menaxhimin e mbetjeve.
- Rritja e ndërgjegjësimit përmes nismave informuese dhe edukuese lidhur me uljen e konsumit, rritjen e sasisë së mbetjeve që ndahen në burim dhe riciklohen.

5.3 TREGUESIT E REZULTATEVE

- ✓ Zvogëlimi i mbetjeve të letrës, bojës, plastikes, etj dhe rrymave të tjera specifike të mbetjeve.



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

✓ Rritja e efektshmërisë financiare ose operacionale përmes zbatimit të nismave miqësore me mjedisin (tregtimi i mbetjeve të riciklueshme, zvogëlimi i sasisë së mbetjeve të depozituara në landfill, etj.).

6. MENAXHIMI I UJIT

Në ditët e sotme uji është një problem global, dhe ka marrë një vëmendje të veçantë si në rrethin e shkencëtarëve ashtu edhe të ligjvënësve. Rritja e popullsisë dhe industrializimit ka çuar nga njëra anë në rritje të kërkesës për ujë dhe nga ana tjetër në rritje të shkallës së ndotjes së burimeve hidrike. Si rrjedhim, njerëzimi po ndeshet gjithnjë e më tepër me mungesë të ujit të pijshëm, duke e shndërruar në të domosdoshme menaxhimin me kujdes të tij.

Në një situatë të tillë problematike, është edhe detyra e Universitetit të Tiranës të ndihmojë në zgjidhjen e këtij problemi, qoftë përmes politikave të ndërgjegjësimit të komunitetit, qoftë praktikave të përdorimit racional të ujit.

6.1 OBJEKTIVAT

Ruajtja e ujit përmes rritjes së efektshmërisë së përdorimit të tij dhe zvogëlimit të ndotjes së ujrave të përdorur.

6.2 VEPRIMTARITË

➤ Monitorimi i vazhdueshëm i të dhënave të konsumit të ujit për të ndihmuar në identifikimin e fushave të kursimeve të mundshme dhe hartimi i një raporti vjetor i të dhënave të marra.

➤ Mbështetja e projekteve me qëllim efektshmërinë e shfrytëzimit të ujit, përfshirë mirëmbajtjen e plotë të rrjetit të furnizimit me ujë dhe të largimit të ujrave të përdorur.



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

➤ Në bashkëpunim me specialistet e fushës përkatëse duhet të vlerësohet mundësia e instalimit të sistemeve të menaxhimit të ujërave të bardha (p.sh. sistem drenazhimi dhe aty ku është e mundur të shikohet mundësia për të instaluar depozita për mbledhjen e ujit të shiut).

➤ Mbështetja e nismave ndërhyrëse me materiale informuese dhe edukuese në mjediset ku përdoret uji për ruajtjen dhe përdorimin me efikasitet i tij.

6.3 TREGUESIT E REZULTATEVE

✓ Zvogëlimi i shpenzimeve operacionale të Universitetit (përmes zvogëlimit të sasisë së ujit të përdorur).

✓ Zvogëlimi i sasisë së ujërave të përdorur me ngarkesë të lartë të ndotjes prej laboratorëve dhe njësive që kanë përdorim më intensiv të ujit.

✓ Rritja e nismave për kapjen e ujit të shiut apo ripërdorimin e ujit në ujitjen e sipërfaqeve të gjelbërta.

7. MENAXHIMI I TRANSPORTIT

Objektivat më të rëndësishëm në këtë fushë janë reduktimi i përdorimit të mjeteve të transportit individual për të hyrë në selitë e Universitetit, dhe të nxisë forma të transportit në mbrojtje të mjedisit që zvogëlojnë flukset e trafikut të motorizuar, çlirimin e gazeve serë dhe lëndët e djegshme fosile. Si pasojë e kësaj rritet siguria në lëvizjet vendbanim-punë, për personelin e punësuar, dhe vendbanimi-shkollë, për studentët



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

7.1 OBJEKTIVAT

Minimizimi i ndikimit mjedisor të transportit të stafit të universitetit dhe studentëve për qëllime mësimdhënie, mësimnxënie, kërkim shkencor duke nxitur forma të lëvizshmërisë të shëndetshme dhe miqësore me mjedisin.

7.2 VEPRIMTARITË

- Nxitja e përdorimit nga ana e komunitetit universitar të metodave jo ndotëse të lëvizshmërisë dhe transportit.
- Ndryshimi gradual i flotës së mjeteve në përdorim prej Universitetit të Tiranës drejt atyre elektrike ose hibride.
- Nxitja e përdorimit të sistemit on-line për të realizuar takimet akademike, shkencore, etj. (për aq kohë sa nuk cënohet cilësia komunikuese).
- Hartimi i marrëveshjeve specifike me Institucionet e qeverisjes vendore për përmirësimin e kushteve të transportit publik.

7.3 TREGUESIT E REZULTATEVE

Përmirësimi i treguesve të lëvizshmërisë së stafit dhe studentëve drejt zvogëlimit të përdorimit të mënyrave ndotëse të transportit.

8. SHËNDETI DHE MIRËQËNIA

Universiteti i Tiranës garanton përmbushjen e kushteve në punë dhe auditore për sigurimin e shëndetit dhe mirëqënies për të gjithë dhe për çdo moshë. Në të njëjtën mënyrë, UT mbështet përkufizimin e OBSH në lidhje me mirëqenien e shëndetit si një gjendje mirëqënieje të plotë



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

fizike, mendore dhe sociale dhe jo thjesht mungesë sëmundjesh apo problemesh. Sigurisht që mirëqenia e komunitetit universitar lidhet ngushtësisht me mirëqenien e mjedisit që e rrethon atë.

8.1 OBJEKTIVAT

Përmirësimi i kushteve të punës, mësimi, jetesës në mjediset e Universitetit në mënyrë të tillë që të rritet efektshmëria mësimdhënëse dhe ajo mësimnxënëse. Pra, të kemi një komunitet universitar më të shëndetshëm dhe produktiv.

8.2 VEPRIMTARITË

- Hartimi i një programi për modernizimin e vendit të punës të personelit didaktik dhe stafit ndihmës.
- Marrja e masave për garantimin e një cilësie të mirë të ajrit në mjediset e brendshme të universitetit përmes ventilimit ajrimit natyror, sidomos në ato me përdorim më intensiv apo prani të kimikateve apo lëndëve të tjera me ndikim në shëndet.
- Ndërmarrja e nismave sensibilizuese kundër konsumit të duhanit.
- Të promovohet kultura e ushqimit të shëndetshëm.
- Të promovohet aktiviteti fizik nga i gjithë komuniteti universitar.
- Të ndërtohen hapësira të specializuara për kryerjen e aktivitetit fizik të komunitetit universitar.
- Të rriten investimet në drejtimin e shërbimit psikologjik të studentëve dhe stafit të Universitetit të Tiranës.
- Rritja e sipërfaqeve shlodhëse pranë mjediseve didaktike të universitetit.



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

8.3 TREGUESIT E REZULTATEVE

- ✓ Pajisja e çdo fakulteti me një zyrë të shërbimit psikologjik dhe përmirësimi i mjediseve rekreative .
- ✓ Të paktën 10% e studentëve dhe stafit të kryejnë një aktivitet fizik të certifikuar për 150 min/në javë.
- ✓ Rritja e vlerësimit pozitiv për cilësinë e treguesve të mjedisit dhe komoditetin në mjediset e universitetit nga stafi dhe studentët.

9. QËNDRUESHMËRIA MJEDISORE NË MËSIMDHËNIE DHE KËRKIM SHKENCOR

Universiteti i Tiranës është i vetëdijshëm se të zhvillosh potencialin më të madh të mundshëm të bashkëpunimit dhe njohjes së integruar mes disiplinave çon në zgjidhje më të efektshme të problemeve. Rrjedhimisht, ai merr masat e nevojshme për të qenë një laborator i gjallë, i orientuar të gjejë gjeneratën e ardhshme të zgjidhjeve për zhvillimin e qëndrueshëm, duke forcuar dhe duke u kujdesur për një filozofi të integruar të qëndrueshmërisë mes strukturave dhe aktiviteteve të Universitetit dhe duke promovuar studimin e qëndrueshmërisë mjedisore si pjesë e kërkimit shkencor, mësimdhënies dhe e të nxënies.

9.1 OBJEKTIVAT

- Promovimi i kërkimit shkencor në fushën e qëndrueshmërisë mjedisore.
- Krijimi i mundësive të reja për të gjithë stafin dhe studentët për të zhvilluar njohuritë, aftësitë dhe mirëkuptimin e tyre në lidhje me çështjet dhe zgjidhjet e qëndrueshmërisë mjedisore.



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

9.2 VEPRIMTARITË

- Hartimi dhe përkrahja financiare e programeve të projekteve kërkimore strategjike me në thelb ruajtjen e energjisë, mjedisit, dhe sigurinë ushqimore.
- Rritja e investimeve financiare për zhvillimin e aktiviteteve të kërkimit shkencor në fushën e qëndrueshmërisë mjedisore në Universitet.
- Nxitja dhe mbështetja e aktiviteteve dhe fushatave sensibilizuese që kanë për qëllim informimin e stafit të universitetit, studentëve dhe shoqërinë civile në lidhje me qëndrueshmërinë mjedisore dhe përfitimet që vijnë prej saj.
- Përmirësimi i kurrikulave egzistuese dhe/ose krijimi i kurrikulave të reja formuese në fushën e qëndrueshmërisë mjedisore.

9.3 TREGUESIT E REZULTATEVE

- ✓ Rritja e numrit të projekteve me financim vendas dhe të huaja ku merr pjesë stafi i Universitetit të Tiranës në fushën e ruajtjes së energjisë, mjedisit dhe sigurisë ushqimore.
- ✓ Organizimi i një konference të përvitshme nga Universiteti i Tiranës me fokus qëndrueshmërinë mjedisore, energjinë dhe sigurinë ushqimore dhe nxitja financiare për të marrë pjesë studiues të suksesshëm kombëtarë dhe ndërkombëtarë.
- ✓ Në çdo program studimi, në varësi të drejtimit të studimit, të përfshihen kapituj në lëndë të caktuara ose lëndë mbi qëndrueshmërinë mjedisore.
- ✓ Anketimi i përvitshëm i studentëve dhe stafit të Universitetit mbi njohuritë dhe performancën së Universitetit të Tiranës rreth qëndrueshmërisë mjedisore.



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

10. PROKURIMI I GJELBËR

Prokurimi i gjelbër ka të bëjë me blerjen e mallrave dhe shërbimeve që mbështesin parimin e zhvillimit të qëndrueshëm. Të jesh miqësor me mjedisin do të thotë veç të tjerash që të marrësh masa që të sigurohet qëndrueshmëria mjedisore përgjatë gjithë ciklit të jetës së produkteve që përdor, që nga prodhimi i tyre, përdorimi e deri në shkarkim.

Universiteti i Tiranës synon të jetë lider në këtë drejtim, duke u bërë jo vetëm një zbatues i parimeve të zhvillimit të qëndrueshëm por edhe nxitës për subjekte të tjera që të përkrahin këtë koncept.

10.1 OBJEKTIVAT

Për të ndikuar pozitivisht në performancën e qëndrueshmërisë së furnitorëve dhe kredencialet e qëndrueshmërisë së mallrave dhe shërbimeve që blejmë.

10.2 VEPRIMTARITË

- Miratimi i një politike të qëndrueshme prokurimi që mbulon të gjitha aspektet e qëndrueshmërisë (mjedisore, sociale dhe ekonomike), duke përfshirë edhe angazhimin për të prokuruar mallra dhe shërbime që minimizojnë përdorimin e energjisë, mbetjet dhe ndikimet sociale.
- Trajnimi i stafit që merret me shërbimet e prokurimit për parimet e qëndrueshmërisë mjedisore.



**REPUBLIKA E SHQIPËRISË
UNIVERSITETI I TIRANËS
SENATI AKADEMIK**

10.3 TREGUESIT E REZULTATEVE

- ✓ Zbatimi i politikave prokuruese nga institucioni që përfshijnë kritere të qarta mjedisore.
- ✓ Rritja e qëndrueshme e blerjes së mallrave jo ndotëse dhe të shërbimeve miqësore me mjedisin.
- ✓ Rritja e ndikimit pozitiv të Universitetit në shoqëri duke nxitur praktika dhe produkte miqësore me mjedisin edhe tek prodhuesit dhe ofruesit e shërbimeve.

11. Plani i Veprimit

Plani i veprimit është hartuar bazuar në pikat e Strategjisë së Universitetit të Tiranës për një Universitet Miqësor Ndaj Mjedisit.



REPUBLIKA E SHQIPËRISË
UNIVERSITETI I TIRANËS
SENATI AKADEMIK

NR	FUSHAT	OBJEKTIVAT	AKTIVITETET	REZULTAT ET	AFATI KOHOR	NJESIA PERGJEGJESE	PRIORITET
1	Sistemet e menaxhimit mjedisor	Ngritja e sistemit mjedisor në nivel institucional dhe promovimi i vlerave mjedisore të tij.	1.1. Krijimi i sistemit raportues për menaxhimin e burimeve.	Sistem funktional brenda 3- vjeçarit të parë. 100%	2023	Rektorati	I lartë
			1.2 Përgatitja dhe publikimi i raporteve vjetore të arritjes së objektivave mjedisore.	Raport vjetor në nivel institucional.	2025	Rektorati	I lartë
			1.3 Ndërtimi i strategjisë së komunikimit dhe promovimit mjedisor të UT.	Miratimi i strategjisë dhe zbatimi i saj	2025	Rektorati	Mesatar
2	Menaxhimi i energjisë dhe CO2	Njohja e shkallës së ndikimit dhe mundësive për zgjidhje alternative përmes vlerësimit të gjendjes aktuale të	1.4. Krijimi i një këndi informues për performancën mjedisore të institucionit.	100%	2024	Njësitë Kryesore	I mesëm
			2.1 Raportimi vjetor i energjisë duke treguar në mënyrë sasiore dhe cilësore burimet dhe shpenzimet energjetike nga Universiteti.	100%	Në fund të çdo viti akademik	Njësitë kryesore	I lartë



REPUBLIKA E SHQIPËRISË
UNIVERSITETI I TIRANËS
SENATI AKADEMIK

	shpenzimeve energjetike dhe çlirimit të gazeve serë. Zvogëlimi i niveleve të konsumit të energjisë përmes rritjes së efikasitetit të energjisë dhe përdorimit të energjive të rinovueshme. Ulja e shkarkimeve në atmosferë nga djegia e lëndëve fosile dhe mirëmenaxhimit të burimeve natyrore dhe mbetjeve.	2.2 Vendosja e tabelave ndërgjegjësuere për fikjen e dritave dhe heqjen nga priza e pajisjeve elektrike dhe elektronike kur nuk janë në përdorim.	100%	2024	Njësitë kryesore	I lartë
Ndërtesa të qëndrueshme	Zvogëlimi i ndikimit negativ të praktikave të ndërtimit, restaurimit dhe shfrytëzimit të ndërtesave të Universitetit në “Zhvillimin e Qëndrueshëm”. Funksionimin e ndërtesave dhe mjediseve të tjera në miqësore me mjedisin për të siguruar jo	3.1 Auditim energjetik i ndërtesave ekzistuese, marrja e certifikatës së efikasitetit energjetike	100%	2027	Rëktorati i UT	I lartë
		3.2 Auditim mjedisor i ndërtesave ekzistuese	30%	2027	Rëktorati i UT	I mesëm
		3.3 Ndërtimi i kampusit të ri universitar në përputhje me kushtet energjetike dhe mjedisore.	100%	2027	Rëktorati i UT	I mesëm



REPUBLIKA E SHQIPËRISË
UNIVERSITETI I TIRANËS
SENATI AKADEMIK

	vetëm mbrojtjen mjedisore, por edhe mirëqënien e përdoruesve si komuniteti studentor, personeli administrativ dhe ai akademik.	3.4 Në rastet e rinovimit të ndërtesave të realizohet termoizolimi i tyre me sistemin kapot.	100%	2027	Rektorati i UT, Njësitë kryesore	I mesëm
		3.5 Instalimi i paneleve fotovoltaike.	25%	2024	Rektorati i UT	I lartë
		4.1 Krijimi i një paneli ekspertësh mjedisi nga fusha të ndryshme akademike për këshillim në lidhje me praktikën më të mira për ruajtjen dhe zhvillimin e biodiversitetit	100%	2024	Rektorati i UT, Njësitë kryesore	I lartë
4	Biodiversiteti dhe ekosistemet Minimizimi i ndikimit negativ në ekosistem dhe rritja e biodiversitetit në pronat e Universitetit. Promovimi i përfitimeve që ato sjellin në jetën e gjithë komunitetit.	4.2 Realizimi i auditit periodik të biodiversitetit në pronat e universitetit për të monitoruar habitatet dhe llojet kryesore që jetojnë aty	100%	2027	Paneli i ekspertëve	I lartë
		4.3 Shtimi i gjelbërimit aty ku është e mundur		2027	Njësitë kryesore në bashkëpunim me panelin e ekspertëve	I lartë
5	Menaxhimi i Mbetjeve Parandalimi i ndotjes mjedisore përmes zbatimit të parimeve të hierarkisë së	5.1 Raportimi i një bilanci vjetor të materialeve që shfrytëzohen dhe	100%	Në fund të çdo viti akademik	Njësitë kryesore	I lartë



REPUBLIKA E SHQIPËRISË
UNIVERSITETI I TIRANËS
SENATI AKADEMIK

menaxhimit të mjetëve (parandalim, reduktim, ripërdorim, riciklim dhe trajtim përfundimtar të përshtatshëm).	mjetëve të prodhuara nga çdo njësi kryesore				
	5.2 Vendosi në mjediset e çdo njësie kryesore të infrastrukturës së nevojshme për mbledhjen e diferencuar të mjetëve	100%	2024	Njësitë kryesore	I lartë
	5.3 Nxitja e ripërdorimit të letërës përmes vendosjes së vendeve të grumbullimit të letrave të ripërdorshme	100%	2024	Njësitë kryesore	I mesëm
	5.4 Lidhja e kontratave me kompanitë ricikluese në vend për tërheqjen e rrymave të mjetëve.	100%	2024	Rektorati i UT	I lartë
	5.5 Rifreskimi dhe zbatimi i protokolleve për menaxhimin e rrymave të mjetëve të rrezikshme.	Të hartohet një protokoll për kimikatat, mjetet radioaktive, etj.	2024	Rektorati, Njësitë kryesore	I lartë
	5.6 Lidhja e kontratave me operatorët e menaxhimit të mjetëve të rrezikshme sipas rrymave.	100%	2023	Rektorati, Njësitë kryesore	I lartë



REPUBLIKA E SHQIPËRISË
UNIVERSITETI I TIRANËS
SENATI AKADEMIK

		5.7 Organizimi i fushatave ndërgjegjëse për diferencimin e mbejtjeve	100%	2024	Njësitë Kryesore	I mesëm
		6.1 Hartimi i një raporti vjetor i të dhënave në lidhje me monitorimin e vazhdueshëm të konsumit të ujit	100%	Në fund të çdo viti akademik	Njësitë kryesore	I lartë
		6.2 Pilotime të vendosjes së rubinetave me sensorë nëpër laboratorë të caktuar në rastet e rinovimit (ose ndërtimit) të ndërtesave.	30%	2025	Rektorati	I mesëm
		6.3 Vendosja e tabelave ndërgjegjëse për shmangien e shpërdorimit të ujit në mjediset me përdorim intensiv të ujit (Laboratore, tualete, etj.)	100%	2024	Njësitë kryesore	I lartë
		7.1 Ndërrimi gradual i flotës së makinave drejt atyre elektrike apo hibride.	30%	2027	Rektorati i UT	I mesëm
6	Menaxhimi i ujit	Ruajtja e ujit përmes rritjes së efektivitetit të përdorimit të tij dhe zvogëlimit të ndotjes së ujrave të përdorur.				
7	Menaxhimi i transportit	Minimizimi i ndikimit mjedisor të transportit të stafit të universitetit dhe studentëve për qëllime mësimdhënie, mësimnxënie, kërkim shkencor duke nxitur forma të lëvizshmërisë				



REPUBLIKA E SHQIPËRISË
UNIVERSITETI I TIRANËS
SENATI AKADEMIK

	të shëndetshme dhe miqësore me mjedisin.					
8	Shëndeti dhe mirëqenia	Përmirësimi i kushteve të punës, mësimi, jetesës në mjediset e Universitetit në mënyrë të tillë që të rritet efektiviteti mësimdhënës dhe ajo mësimnxënëse.	8.1 Hartimi dhe zbatimi i një rregulloreje për pastrimin dhe higjienizimin e mjediseve duke ruajtur cilësinë e ajrit.	100%	2023	Njësitë kryesore
			8.2 Krijimi këndeve rekreative të gjelbërta në mjediset e hapura.	100%	2024	Njësitë kryesore
			8.3 Ndërtimi dhe mirëmbajtja e stacioneve për parkimin e biçikletave dhe të skuterëve.	100%	2024	Njësitë kryesore
9	Qëndrueshmëria mjedisore në mësimdhëniet dhe kërkim shkencor	Promovimi i kërkimit shkencor në fushën e qëndrueshmërisë mjedisore. Krijimi i mundësive të reja për të gjithë stafin dhe	9.1 Prezantimi i parimeve mjedisore tek studentët e UT përgjatë periudhës orientuese në fillimin e ciklit të studimeve.	100%	2023	Njësitë kryesore



REPUBLIKA E SHQIPËRISË
UNIVERSITETI I TIRANËS
SENATI AKADEMIK

	studentët për të zhvilluar njohuritë, aftësitë dhe mirëkuptimin e tyre në lidhje me çështjet dhe zgjidhjet e qëndrueshmërisë mjedisore	9.2 Analize e programeve të studimit për mundësinë për shkallën e përfshirjes së edukimit mjedisor.	100%	2023-2024	Rektorati; Njësitë Kryesore	I mesëm
		9.3 Zbatimi gjetjeve të analizës për futjen e edukimit mjedisor sipas programeve.	100%	2027	Rektorati; Njësitë Kryesore	I mesëm
10	Prokurimi i qëndrueshëm	Për të ndikuar pozitivisht në performancën e qëndrueshmërisë së furnitorëve dhe kredencialet e qëndrueshmërisë së mallrave dhe shërbimeve që blejmë.	100%	2023-2024	Rektorati; Njësitë Kryesore	I lartë